

مش كفاية انك تعيش

علاء محمد أبو ذكري
مصر / أعمال حرة

الحقيقة ف الحياة إنك تعيش

مش نفس طالع وخارج

في الدجى لو حتى حالك

يبقى حالك هو حالك

والقضي فوق احتمالك

يبقى صوتك

نبض موتك

والكلام أصل لسكوتك

مش كفاية انك تعيش

ذي صورة ع الأفيش
الحقيقة ف الحياة إنك تغني
تلضم الاحلام بنفحة م التمني
وبوجودك شد عودك
نغمه لحن لخلودك
علمه يحلم معاك
يبقى نجمه من سماك
يبقى ضلك .. يبقى كُلك
يبقى صاحبك لو هداك

مش كفاية انك تعيش
ذي صورة ع الأفيش
الحقيقة ف الحياه انك تكون
قلب نابض ف السكون
حلم بيدوب ف الحياه
تبقى عشقه ومنتهاه
تبقى راسم نور لبكرة
والخطاوي تبقى ذكرى
تبقى فكرة
تحمل الاحلام لبكرة
مش كفاية إنك تعيش
ذي صورة ع الافيش